

欽定剿平三省邪匪方略

欽定剿平三省邪匪方略正編卷二百四十 辛酉年

二月二十六日

壬申

長麟奏言竊

臣

前與楊邁春

會剿高馬前股賊匪痛加剿殺僅有餘賊五六

百人已經竄近川省

臣

折回截剿高馬後股賊

匪

臣

回至沔縣時高馬後股已經竄入武關西

溝據留壩褒城等廳縣具報此股賊匪約有七

八百人亦經撫臣陸有仁據稟奏明並據探事

兵勇在武關西溝一帶拏獲逃出難民胡添偉等僉稱高馬後股賊匪原有矛手七百餘人係王凌高胡滄海二元帥管領是前股馬五掌櫃派出要刼殺楊提督後尾不想被楊提督殺死五六十人衝散二百餘人只剩三百餘人就在老林內藏匿不敢出來數日後有高二夥內大掌櫃馬應祥因被德大人衝散亦帶矛子手在

老林藏匿彼此相遇合營又在老林內遇著別
股打散矛手也都會合一處共有矛子手六百
三十七人又裹脅百姓湊有七八百人竄出老
林因與前股相約要由黑河過甘肅至四川龍
安去所以由西溝奔竄大掌櫃馬應祥是馬五
堂姪都是襄陽起事老教首上年王提督陣亡
就是馬應祥將其臃膊砍斷等語查馬應祥王

凌高胡滄海均係此股賊匪內最要之犯

臣恨

不能刻卽全數生擒以除元惡惟查武關西溝

綿亘數百里道路紛歧且處處老林可通甘省

雖有兵力只能來往截攔不令西竄必須將該

匪轟出山外方可痛加剿辦

臣

審度情形當派

叅將羅全亮帶兵一千名由西面畧陽境內繞

赴北面高坪塲一帶並派把總賈玉成帶領鄉

勇四百名亦由西面繞赴毛壩一帶兩路兵勇均自北面向南轟擊並緊顧甘省要路臣帶兵

卽在沔縣沮水及舊州舖一帶設伏俟羅全亮等將該匪轟出山外卽可乘勢掩殺十二日羅

全亮等兩路兵勇俱已抄至北面尋蹤轟擊該匪不能在老林內藏匿卽由何家巖南奔有出

大安寬川之勢臣卽趕至相距大安十里之大

山背後設伏詎該匪狡猾異常竄至大安溝內
二十餘里之黃銅舖捉獲百姓拷問百姓具以
實告該匪不敢遽行出溝忽向北面蔡壩一帶
奔竄忽向西南陽平關一帶奔竄自十二日夜
至十三日晚該匪旋北旋西毫無定向臣除分
撥兩路兵勇入山外所餘兵力不能再分惟有
隨時偵探往來兜剿直至十三日二鼓後該匪

突出大安溝外旋即竄入對面溝內向東南胡家壩一帶狂奔查胡家壩一路又係老林山徑險窄馬隊不能前進

臣

即派副將蕭福祿遊擊

宋鉞張聯奎劉滿貴等帶領步隊兵勇連夜跟蹤由胡家壩緊追

臣

帶領馬隊抄赴寧羌鐵鎖

關迎頭攔截以期兩面夾擊蕭福祿等直入老林旋追旋剿途次屢經追及賊蹤詎賊匪穿林

入箐忽聚忽散竄入林內則官兵卽不能知其
去向轟出林外該匪等又或數十人或百餘人
卽分爲一股四散狂奔總使我兵顧此失彼不
能痛剿且晝夜不停奔竄總在二百里以外我
兵極力窮追未嘗少後每一追及卽殄戮數十
名生擒數十名我兵一面追殺賊匪一面奔跑
既不與我兵拒敵卽賊衆亦彼此並不相顧自

十三日二鼓後至十四日晚我兵除造飯外未嘗片刻少息勞倦異常賊匪亦疲憊無狀沿途除斬戮生擒外餘匪已不及六百人我兵稍事憩息又於十五日三更拔營趕往追剿賊匪探知亦卽竄至唐家壩兵勇一齊趕上奮力撲殺立斃賊匪一百餘人生擒一百六名奪獲旗幟刀矛八十餘件正在趕殺間忽見賊隊內有衆

賊擁護一賊飛奔逃走鄉勇田貴直入賊隊將
此賊擒獲衆賊喊叫一齊前來搶奪田貴恐被
奪回當將該匪截斃我兵齊往撲殺餘匪零星
四散俱入老林逃逸當於擒獲活賊內認出襄
陽老教首馬應祥並將截斃賊屍首級令衆賊
辨認僉指爲元帥胡滄海其餘各賊竄過老林
又復聚合一處管束往紅河子一帶適總兵楊奎

猷聞信帶領兵勇由爐坪趕來截擊殺死賊匪
二十餘人生擒四名餘匪不過三百餘人又翻
過卦子山老林竄向四川廣元之漆樹崖大紅
崖一帶逃逸楊奎猷蕭福祿等仍卽緊追前進
臣 當將馬應祥嚴加審訊自認係襄陽起事教
首打仗殺人不計次數並稱此次被殺之胡滄
海係嘉慶二年在陝西與王凌高賈志茂等一

同起事均與高二高三馬五同夥上年六月間
在西鄉與提督王文雄打仗該犯砍斷王文雄

胳膊屬實餘供悉與前訊難民胡添偉等所供

無異惟臣於帶兵趕賊來往奔馳之際所訊供

詞恐有不實不盡現將馬應祥移解陸有仁覆

審如無錯悞卽委護理陝安道趙洵將該犯寸

磔辦理其餘被獲一百零五名內曾世貴等八

十三名均係正賊概行正法其谷文邦等二十
二名均係在盩厔洋縣城固等處被裹難民各
有家業可歸當卽解交各該縣查傳親屬領回
安業至楊遇春等追剿高馬前股賊匪于初五
日自馬道趕至沔縣又于是夜自沔縣追賊至
黃官嶺計程四百餘里途次連接兩仗擒斬千
餘人官兵並未稍停不但步兵實在疲乏卽馬

兵亦均不能馳騁楊遇春恐致賊匪遠遁並不
少息暫將兵勇留後卽抽帶總兵觀祥卡內兵
勇仍前緊追經過郭家營將觀祥兵勇遣回卡
所又抽帶楊奎猷卡內兵勇緊追賊匪晝夜狂
奔官兵亦寸步不肯稍後每日總在二百里以
外奔馳過速山路崎嶇以致楊遇春墜馬跌墊
腰脅幸不甚重仍忍痛疾馳前進於十三日追

過三道河香爐山一帶已入川省南江縣境其

原營兵勇均由捷路趕往臣現在飛行知會楊

遇春並四川總督勒保提督七十五等一體截

剿臣正在繕摺間接據城固縣稟報賊匪一股

於十二日竄至洋縣屬之火地溝賊探已抵城

固葦子壩等語查火地溝西通留壩江口南通

小河口均係竄出棧道之路必須趕緊攔截臣

一面飛飭蕭福祿等如果高馬分股之賊業已
深入川境再將兵勇撤回原營臣一面先行折
回擬由褒城入棧偵探後路賊蹤相機剿辦再
前在鐵爐川打仗出力之遊擊軍功等數人臣
謹開單奏呈合無仰懇

皇上天恩賜之鼓勵奏入

上命軍機大臣傳諭長麟曰此次高馬後股賊匪竄

入武關欲前往甘肅竄赴龍安經長麟派兵跟擊
晝夜窮追不予以暇雖沿途斬戮僅數百人而賊
勢疲憊已極并生擒襄陽教首大掌櫃馬應祥殄
斃僞元帥胡滄海餘匪不過三百餘人已向四川
廣元逃逸所獲甚好長麟著交部議敘其生擒老
教首馬應祥之鄉勇田貴奮勇可嘉著加恩賞給
八品頂戴並加賞藍翎如該鄉勇先已得有頂戴

卽再加一等賞給仍戴用藍翎以示嘉獎又據奏
楊遇春因追剿高馬前股賊匪墜馬跌墊腰膂深
爲慮念該提督帶兵剿賊素稱奮勉朕所深知數
月來連獲勝仗此次自馬道追賊至黃官嶺奔馳
一日夜計程四百餘里兩次擒獲千餘人復沿途
抽帶各卡兵勇步步緊躡賊蹤不肯稍後以致墜
馬跌傷現復力疾追入川省南江縣境實屬可嘉

楊遇春跌墊之處此時曾不痊愈者遇便具奏統
俟此股賊匪辦竣再加恩獎至長麟所稱另賊一
股竄至城固洋縣地方大約卽係冉伍等逆因額
勒登保搜捕緊急竄出南山此時高馬前股入川
之賊已有楊遇春緊躡前往其後股之賊亦經蕭
福祿躡追長麟此時不必再行跟剿入川現已降
旨令額勒登保移師漢南相機剿辦其漢江北岸

竄匪卽責成長麟扼要督剿倘再伍等逆及高二
餘匪見經畧已往漢南由南山逸出旣可痛加截
殺如竄川之高馬前後賊股又復乘間折回長麟
兼可與楊遇春等收兩面夾擊之效若能將漢江
以北各股賊匪殲除淨盡卽係長麟之功朕必優
加懋賞也

上又命軍機大臣傳誦額勒登保曰額勒登保現在

南山搜捕卅伍等股餘匪所剩無多節經降旨令其酌量情形或交長麟及鎮將等接辦額勒登保卽移師漢南督剿近聞額勒登保因南山餘匪輾轉逃竄未能卽時洗淨親自帶兵入山搜剿不辭勞勩深爲厯念額勒登保忠勇素著上年二月在甘剽辦賊匪卽因過於焦急以致染患病症今若在山內奔馳日久或又致因勞成疾轉增朕之厯

注且伊係經畧重臣尤未便因零星餘匪輒爲牽
綴現據長麟奏高馬後股賊匪經官兵連日追剿
殲擒賊目馬應祥胡滄海已經逼過川境其高馬
前股賊匪亦經楊遇春躡蹤追擊獲有勝仗已抵
川省南江縣境而漢南之龍紹周等逆據德楞泰
奏該逆因官兵追剿緊急連夜狂奔亦近川楚交
界此時德楞泰非追賊入川卽起楚會剿漢南地

方須有大員調度額勒登保自應將南山餘匪交
長麟穆克登布等督率剿辦額勒登保卽移師漢
南擇要駐紮相機調度若德楞泰追賊入川額勒
登保卽當馳赴楚界會剿徐苟等股賊匪以收夾
擊之效於剿捕大局更爲得力也

上又命軍機大臣傳諭勒保曰現據長麟奏高馬等
逆前股賊匪經楊遇春帶兵追剿已入川省南江

縣境並經長麟飛咨勒保七十五等一體截剿其
後股賊匪亦經長麟帶兵抄擊賊匪竄向四川廣
元之漆樹崖大紅崖一帶總兵楊奎猷等緊追前
進等語楊遇春等追剿高馬等逆躡蹤前進並未
稍停每日行走在二百里以外兼之山路崎嶇下
但步兵實在疲乏卽馬兵亦不能馳騁亟須川省
有兵協助方可得手且高馬等逆前在龍安往來

逃竄於川省路徑尤爲熟悉尙由廣元一路竄向
蒼溪等處又復偷越嘉陵江岸擾及川西殊有關
係勒保七十五俱在川東追剿辛聰陳朝觀顏勝
可魏棒棒等股賊匪川北地方守備空虛不可不
預爲防範勒保七十五卽不能分身前往川北亦
必當遴派奮勇鎮將大員酌帶兵力速赴南江廣
元一帶協同截擊以期一鼓撲滅並嚴防嘉陵江

岸毋得稍有疎懈再楊遇春等追賊入川不分畛域其所需糧餉軍火等項川省自應妥爲籌備勒保務須飭令該處地方官隨時供支毋得稍有缺乏又楊遇春等係屬武職於繕辦奏摺恐未諳悉其剿賊情形必俟報明經畧轉奏相距經畧軍營較遠未免有稽時日並著勒保傳知楊遇春等將打仗殺賊情形就近報明勒保隨時具奏俾得專

心剿賊迅速集事至勒保七十五到川東後追剿
辛聰等各股竄匪果否續得勝仗剿淨何股並著
速行具奏以慰廑注

上諭內閣曰據長麟將前在鐵爐川打仗出力之遊
擊軍功等分別保奏一摺著照所請遊擊劉滿貴
准其賞換花翎遊擊馬忠宋鉞五品軍功吳順劉
振川白映斗著賞戴花翎六品軍功曹彪著賞戴

藍翎以示鼓勵

同日陸有仁奏言竊臣連日接據探報賊匪龍

紹周唐明萬等股由紫陽竄至安康大通河欲
行偷渡經守江兵勇連放鎗礮轟擊賊卽東竄
至該縣新店車壩一帶距興安府城數十里叅
贊德楞泰自寧陝屬屬柴家關與經畧會商定
議後卽帶兵由石泉前赴興安因探知賊匪已

在東路是以仍由江北直至興安出賊不意由
東向西逼剿於本月十二日已抵興安自可卽
得勝仗東路既有重兵兜截賊卽折回西竄則
西鄉一帶更須加意嚴防且聞已有另股賊匪
在馬家壩一帶滋擾臣因慶成正在沔縣一帶
會剿高馬等逆當卽飛札知會去後旋接慶成
來信亦計及西鄉緊要已卽日帶兵馳回慶成

熟悉該處地理情形不但可將現在之賊堵剿
如果龍逆等股賊匪竄來正可與德楞泰兩面
夾擊又高二殘敗餘匪聞慎高等尙在蓋屋所
屬之金井架地方遊奕其伍逆一股與冉逆餘
匪時分時合總在老林內出沒無定經畧額勒
登保現在移師甘家礮總兵穆克登布由琵琶
嶺一路分投設法搜剿並派寧陝鎮總兵劉之

仁於江口一帶扼其東竄相機截擊將軍恒瑞
挑派滿營軍標兵一千五百名令副都統祥保
在近省各路口往來堵截諒此殘敗之賊斷不
敢竄出平原又高三馬五賊匪前經楊遇春等
剿敗卽由南鄭縣屬之廟壩竄至寧羌州屬之
梨坪已近廣元邊界楊遇春現由花園子一帶
趕緊追截其後股賊匪自褒城奈家河竄至界

陽縣之何家巖道嶺溝亦向寧羌一帶奔竄督

臣

長麟率同副將蕭福祿叅將張應奎卽由大

安驛一帶緊躡追剿並探有零星後股賊匪或

百餘名或數百名假扮官兵往來竄逸其勢亦

必西趨長麟帶兵正在寧羌地方自可以次殲

洗臣因此番賊匪敗竄勢甚零落誠恐深林密

菁多有竄匪餘匪業經飛飭地方官督率民勇

到處搜拏以期淨盡並將各路糧餉趕緊源源
運供前蒙

皇上飭發餉銀六十萬兩已於山西協甘兵餉內截
留三十萬兩隨後京餉赴甘尚可截留十萬兩
若浙餉二十萬兩不日解到二月分軍餉已足
弓支又協撥湖南省兵米十五萬石仰蒙

聖恩俞允臣當卽飛咨撫臣祖之望趕緊起運其未

經解到之先尙需另籌接濟現已咨商山西撫
臣伯麟就近先爲酌撥粟米小麥數萬石以資
接濟當不致有缺誤至各路結案事宜經額勒
登保奏奉

諭旨臣先已飛飭派定司道添派委員到處趕緊辦
理奏入

上命軍機大臣傳諭陸有仁曰陸有仁奏接據各路

探報賊匪情形與德楞泰長麟所奏大畧相同至
所稱山西協甘兵餉已截留三十萬兩隨後京餉
赴甘尙可截留十萬兩若浙餉二十萬兩不日解
到二月分軍餉已足分支等語自係預籌三月分
餉項起見昨又不待伊等奏請令吉慶將粵省商
捐銀三十萬兩解交陝省此時德楞泰督兵前抵
漢南非追賊入川卽移師赴楚而楊遇春等追剿

高馬前股已入川境此時陝省推額勒登保一路
軍營在彼剽捕兵數較少供支自易又得此項粵
餉接濟自必倍增寬裕陸有仁惟當極力撙節支
用以期士飽馬騰大功速成此爲最要甘省劍節
亦不可任意截留切勿存此疆彼界之見又據長
麟奏擊獲前此賊害王文雄之賊目馬應祥一名
移解陸有仁覆審著陸有仁將該犯審訊明確辦

理後割取首級書寫王文雄牌位將首級致祭以
慰忠魂而伸衆憤仍將首級裝入木籠派人解送
貴州王文雄原籍並行文琅玕傳諭王文雄之母
告以此係賊目馬應祥首級馬應祥從前戕害伊
子今被擒獲本欲生解貴州寸磔致祭因路途遙
遠恐有疎虞是以卽在陝省寸磔已於該處設伊
子牌位致祭茲特將馬應祥首級解往令伊家自

行致祭不獨可慰王文雄之靈並可洩伊母悲憤也

二十九日

乙亥

額勒登保奏言竊

臣

前因伍懷志

股匪竄匿南山令穆克登布豐紳於柿園觀音山剿潰後該匪有趨五郎江口東奔之勢穆克

登布等帶兵寬路趕至江口抄向賊前截剿

臣

亦卽帶同札克塔爾等由沙坪獅子坪而進以

期夾擊旋據穆克登布豐紳等報稱十三日趕
抵江口賊探猝見我兵前隊亡命飛奔賊衆又
折向瓦子溝鐵鎖橋竄去穆克登布等於十四
日五鼓卽由鐵鎖橋追擊午間行抵蒿溝正遇
賊匪散集坡坎當經前隊侍衛碩敦保及綸布
春遊擊傅延剛等率領官兵三十餘人先行衝
入立斃賊匪二十餘人該匪俱搶佔高山抵拒

維時豐紳帶領官兵已由右山梁抄上綸布春
傅廷剛等帶領兵勇亦卽抄上山梁之左穆克
登布帶領兵勇由中路山梁仰攻甫至半山而
林中賊匪竟料衆下撲把總胡國安等直冒鎗
石突入賊羣攙殺甲兵巴爾雅傑外委李占榮
連射數賊又經綸布春傅廷剛一路之兵橫出
下壓賊矛刺及外委聶標文腹際該外委將矛

踢開揮刀將賊砍斃綸布春傳廷剛與各兵勇
鎗箭並發倒斃紛紛輿紳一路之守備劉桂林
及各弁兵等又從右手奮力截擊賊之滾跌及
中鎗箭而死者甚多賊勢大潰穆克登布喝令
各官兵乘勢趕殺衝過數重大嶺林木旣密時
又傍晚不能再行窮追查看所殺之賊約計三
百餘人獲有賊旗十五桿刀矛一百餘件生擒

執旗賊目徐陞朱家盛二名又散賊高厚黃光
元等二十一名皆係臨陣抗拒之犯訊無要供

悉行正法此次該匪本欲由江口東竄幸經穆

克登布等攔回臣由獅子坪前至傅家河地方

探得該匪又旁竄光頭山臣卽令札克塔爾桑

吉斯塔爾密帶步隊兵勇於瓦子溝橫截而進

並於旁岔設伏掩擊果有敗散賊匪一百餘人

前來溝內兵勇突起拏獲劉大俊邱富等二十餘人內有賊衆擁護一人被兵趕急滾下崖坎亦經拏獲訊據該犯供稱名彭九臯河南固始縣人自幼習教本與冉學勝合夥去年六月間見伍金柱人多帶手下五百餘人歸入伍金柱營內自伍金柱死後與伍懷志在一路衆人都稱爲彭師傅訊以各股賊首姓名無不言之確

鑿實係賊中緊要教頭除將劉大俊等概行正法外其彭九臯一犯手足業已跌傷暫交寧陝廳收禁以備質訊當又札飭總兵劉之仁帶兵從夾嶺高關兩郎前進以杜其東竄之路臣又屢接穆克登布來信賊匪又西竄太平峪西寺溝田峪甘金峪腦等處此一帶山勢過險亦無路徑馬匹竟不能行該鎮將等挑帶勁兵現在

徒步攀援而進限於地勢急切未能得手

臣實

焦心如焚又據臬司王文湧稟報賊匪一股從
泥峪磨房溝竄至滴水崖白雲等處該司帶領
壯勇乘夜進擊殺賊百餘名生擒二十名該匪
現竄留壩一帶之車道河此股查係高二餘孽
又據地方官稟報有賊一千餘人竄至城固之
葦子壩鐵冶河一帶有奔五道梁之勢查係冉

學勝股匪臣先因賊匪有西竄之信曾經派調

總兵楊奎猷帶領兵勇二千趕往相機剿辦又
經札致長麟帶兵在棧道截擊益阻其竄甘之
路自可不致蔓延但伍懷志股匪現在各峪腦

叢林竄匿希圖躲避官兵有穆克登布豐紳劉
之仁等分投逼剿諒不能在山久匿勢必漸向

西南臣隨由傅家河發師西來黃草坪適中之

處便于東西兩路集應至楊遇春所剿高三馬
五等賊匪潰敗入川接據慶成來信楊遇春鼓
勵官兵兼程追剿該匪亦亡命奔竄日夜不停
一路艱于掠食至南江之玉坡寨將馬匹銀兩
欲向寨民換買食物該寨民陽爲應允將銀兩
收入寨中不給糧食滾放壘石擊打該匪聚集
圍寨已將寨柵攻破民人正在惶急適楊遇春

格布舍等帶兵趕到奮力向前斬獲百餘人皆
係積年矛手寨民數百餘戶得以保全所剩賊
匪不過六七百人惟首逆尙在奔逃恐其由松
坪逃向通江西鄉邊界之巴山老林慶成得信
已趕回西鄉由堰口固鄉營一路探蹤迎剿並
知會總兵九丁自鍾家溝探剿等語計此股賊
匪情形如此當可計日掃蕩

臣

現又飭知楊遇

春慶成等務當同心協力速獲渠魁殲淨餘孽
其高馬後股賊匪竄入畧陽邊界亦接據稟報
長麟派令副將蕭福祿等帶兵於胡家壩截剿
擒斬多人並將賊目胡姓鎗斃所剩賊匪約二
百餘人由卦子山遁赴川界再近據慶溥喜明
馬玉魁柯藩等稟報龍唐等逆總欲乘虛東竄
近又折竄大小香河左林溝等處分股滋擾慶

溥馬玉魁各帶兵勇分路由獅子壩大貴坪黃
洋河一帶截剿喜明柯藩督率守備王英等於
平利之南坪一帶截剿殺賊百餘人該匪分竄
水田河豐口壩一帶向西奔逃德榜泰業經統
兵過江由左林溝南河前進自可痛剿該匪等
被剿情急或南奔川界或竄西紫均未可定
臣
札知胡定泰在王黑壩嚴堵其東而平利一帶

復嚴飭慶溥喜明柯藩等務當認真堵截勿令
東竄楚境伏查各路現在情形殺賊多寡雖有
不同而到處獲勝則如一轍其賊勢之披靡大
可概見日來雖未得楚省信息而以前此之屢
有克捷推之事機亦順卽南山伍逆之賊恃有
山勢因之牽綴官兵固屬萬分可惡然有穆克
登布劉之仁兩路兵勇設法逼剿該匪二千餘

衆亦不能久行潛匿卽或未得就地殲盡若轟
出老林賊情亦甚疲憊乘其危迫之際正可一
鼓掃蕩臣惟有酌量緩急隨時籌度斷不敢一
息懈怠正在繕摺間接奉

上諭以臣久在南山辦理遲緩傳旨申飭臣跪讀之

下實不禁感 佩交深悚惶無地竊查南山一帶
多係疊嶺深林異常險阻賊匪潰敗潛匿藉以

苟延殘喘而其意尙欲乘間東趨是以臣不得
不親督官兵設法剿捕並擬卽時轟出老林痛
加斬戮故爾未敢輕離今蒙

皇上詳加訓示誠恐輾轉稽延徒疲兵力而漢南一
帶之賊日復一日延至青苗在地又得掠食剿
辦不能迅速今查伍懷志等股賊匪二千餘名
已有穆克登布豐紳釗之仁等兩路兵勇六千

餘人搜剿而各峪外又有兵勇堵截其勢不能
鴟張冉學勝股匪高二餘孽一千數百名均向
西在五道梁安溝車道河一帶臣已派有楊奎

猷帶領兵勇二千名剿辦兼之長麟帶兵亦在
棧道攔截卽或該匪竄出長麟更可督兵追殺
兩路兵勇亦有六千餘名尙可無虞滋蔓目下
高三馬五等賊欲由通江西鄉川陝邊界巴山

老林一帶奔竄又龍唐等逆若經德楞泰從東
趕剿其勢不能入川又必奔至西紫王黑壩一
帶該處地勢遼濶雖有胡定泰帶兵防堵兵力
稍單恐難兼顧臣刻卽帶領札克塔爾等并現
有兵勇三千餘名從石泉過江徑赴西鄉一帶
督同慶成等無論何股就近併力剿辦及早殄
滅漢南數股賊匪各該匪自更聞風膽落蕩事

更見迅速况他處之賊已完南山之賊又焉能

日久存活臣現又飭知穆克登布等在南山一

帶總以緊顧東面相機趕緊緝通萬一伍懷志

等匪繞向東竄臣探聽立即過江從鎮安一路

剿辦亦仍便捷不致疎虞

同日額勒登保又奏言竊臣刻將剿辦各路賊

匪情形繕摺拜發適接疎虞成來信提督楊遇

春帶領兵勇晝夜窮追馬五等賊匪于十八日
在川陝邊界之龍池場鞍子溝一帶痛加剝洗
斬獲甚多並將首逆王廷詔生擒僅餘馬五等
殘匪二三百人遁入鞍子溝老林藏匿且晚即
可剿盡等因臣查王廷詔一犯屢經獲賊審訊
爲勾結教匪起事到處傳教之首且該犯連年
在川楚陝甘率衆擄掠荼毒生靈罪惡甚大兼

之各該匪皆受其蠱惑實爲賊中第一緊要首
逆此賊一得則各賊匪無所指藉自必益形互
解今仰仗

聖主福威楊遇春與格布舍浪鳳等竟得臨陣生擒
可知各該匪惡貫已盈瞬息全當殄滅洵足大
快人心上慰

宵旰再查馬五等餘孽遁入老林楊遇春等自必緊

追而慶成來信內又已分派將領等於鞍子溝
附近之峽口柳樹埡雞子壩九陣壩擒馬嶺各
路嚴密搜捕並另行知會總兵九十在鍾家溝
一路截剿期與楊遇春卽將此股馬五等餘孽
搜捕淨盡務絕根株惟聞龍紹周等股賊匪人
數較衆有竄西鄉之勢臣現已帶兵馳往西鄉
自當隨時指撥趕緊剿辦至生擒王廷詔出力

官兵等臣於到彼時查詢明確再當奏懇

皇上分別加恩以示鼓勵均奏入

上命軍機大臣傳諭額勒登保曰額勒登保奏生擒首逆王廷詔覽奏欣慰已明降諭旨加恩矣又據奏督率官兵剿辦南山賊匪一摺亦各有斬獲辦理俱屬認真所有剿賊出力之穆克登布豐紳綸布春傅廷剛劉桂林胡國安李占榮巴爾雅傑等

均用硃筆圈出應如何加恩之處著額勒登保分別奏請候朕另降諭旨至外委聶標文被賊矛刺及腹際該外委將矛踢開揮刀將賊砍斃尤爲奮勇著卽拔補把總以示鼓勵現在江北南山一帶各股賊匪經此次剿殺之後勢已窮蹙無難尅期殲淨而漢江南岸龍唐等逆爲數較多且高三馬五殘敗餘匪欲向通江西鄉川陝邊界奔竄額勒

登保現已帶領札克塔爾等并兵勇三千餘名從
石泉過江徑赴西鄉一帶督同慶成等併力剿辦
所見極是與朕節降諭旨相合此時王廷詔旣已
擒獲各股賊匪聞風膽落自必更形慌亂而德楞
泰聞知龍紹周等竄近興安已渡過南岸蹂躪追
剿額勒登保更可與之會合夾擊所有南岸賊匪
卽責成經畧叅贊兩路精兵奮力剿辦愈速愈妙

其江北伍懷志冉學勝及高二餘孽額勒登保現
派穆克登布豐紳劉之仁楊奎猷等共帶兵勇八
千餘名分投追捕並札知長麟在棧道截擊賊匪
自無從竄逸所有江北之賊卽著責成長麟穆克
登布督率鎮將等上緊剿辦乘此勝勢悉數殲擒
卽或一時未能辦淨亦須逼過漢江南岸以便經
畧叅贊就近剿除斷不可令其竄近楚豫邊界再

有蔓延至南岸之賊切勿任一名渡過江北若稍
有疎虞惟長麟等是問看來分股賊匪經官兵節
次痛剿均屬得手額勒登保務當與德楞泰趕緊
剿辦總期於春夏之交一律戡定迅奏膚功榮膺
封爵我君臣同至

裕慶敬告成功以抒宿願勉之望之再王廷詔一犯係
賊中緊要首逆既經生擒自當解京盡法處治如

該犯被擒時未經受傷著額勒登保派委妥幹員
弁迅速解京若該犯受傷已重卽在該處醫割示
衆并傳首川陝楚地方以伸國憲而抒衆憤再本
日朕閱禮部具題軍營議卹人員一本內病故副
都統岱森保一員照例卹廕賞給祭葬銀兩但朕
聞從前係派岱森保與札勒杭阿同在一處防堵
札勒杭阿遇賊打仗時因岱森保退回乏兵策應

以致札勒杭阿勢孤被害岱森保係朕藩邸諸達
若令其濫邀卹典轉似朕有所偏向著額勒登保
確切查明如岱森保果有畏賊退回之事或因病
不前伊業經身故雖不必追治其罪所有卹廕祭
葬自應停止如實無其事仍當照例給予額勒登
保務當秉公據實查奏不可稍有徇隱

上諭內閣曰王廷詔一犯爲白蓮教匪起事首逆連

年勾結匪黨到處滋擾實係最要首逆今該犯在
龍池場鞍子溝一帶奔竄經楊遇春格布舍張鳳
等帶兵追殺將王廷詔臨陣生擒洵足以快人心
而寒賊膽楊遇春格布舍張鳳均著先行交部議
敘俟查明如何擒獲之處再行加恩并賞給楊遇
春玉帶頭玉搬指大小荷包賞給格布舍張鳳玉
搬指火鐮包大小荷包各一分至額勒登保雖另

在一路但楊遇春所帶之兵卽係額勒登保軍營
分往今楊遇春等能擒此渠魁皆由經畧調度得
宜所致額勒登保並著交部議敘仍賞給玉搬指
金絲盒大小荷包以示鼓勵又發去小刀鼻烟壺
搬指各十件著交楊遇春分賞軍營出力人員其
生擒王廷詔官兵前曾有旨懸立重賞著額勒登
保確切查明係何人擒獲據實具奏不可絲毫冒

功令擒獲之人稍有屈抑俟查奏到時再降恩旨
上又諭內閣曰本日據經畧額勒登保奏報提督楊
遇春督兵生擒多年積惡首逆王廷詔此誠

天

考垂慈默佑一兩月內或可蕝事安民朕欽感之餘倍
深兢惕益殷期望尙書成德甫進軍機處行走此
次不應邀恩大學士慶桂董誥侍郎戴衢亨三人

盡心贊畫夙夜不怠錫爵酬庸之典應俟全行底
定後再沛恩綸每人著先加軍功一級軍機章京
等著慶桂等選擇數名交吏部議叙本日兵部接
報章京并外奏事官員查明每人各予紀錄一次
所有沿途馳送之員弁馬夫人等著各該督撫查
明照例給賞

三十日

丙子

上命軍機大臣傳諭四川陝甘湖北各督撫曰現在
川陝楚各路軍營捷報頻馳連獲首逆賊勢已十
分窮蹙大功將次告竣但底定之後非如平定外
域祇須撤兵留防者可比此時善後事宜則以撫
輯難民饑民安置鄉勇二節爲最要卽如湖北省
據姜晟等奏武漢等處饑民不下數萬現已設法
安撫此等饑民間陝省亦復不少四川團結堡寨

較勝陝楚然失業流亡亦所不免且現在各省投
出難民雖據各督撫分飭地方官給予銀米路票
令其回籍其無籍可歸者量加賑濟恐亦有名無
實辦理未必妥協務期人各得所不致又生他患
方爲盡善惟是賊匪積年擾齊人數較多首夥各
犯既經官兵悉數殲除其畏脅之人紛紛投出者
亦不可勝計目前自不能不量爲撫卹給予口食

然必專賴官爲收養國家經費有常豈能日久賴
賴支給倘撫卹稍有未周難民仍不免饑困流離
難保其不生他故總須令其各安生業贍及身家
衣食足而邪慝之念自消是在地方官妥爲經理
除查明叛產分別賞給外或另有安撫之法三省
地方情形不同著該督撫等先行通盤籌畫悉心
詳議隨時具奏候朕酌奪至鄉勇一項原係隨地

招募幫同官兵堵剿人數甚衆五載以來皆官給口糧以資養贍事平之後一旦裁撤伊等無所仰給且願充鄉勇者大半皆無藉之徒各持器械常與賊匪接仗技藝亦所素嫻若不妥爲安插更易流而爲匪倘別生事端則教匪雖平而閭閻仍不安堵成何事體諺言撫等尤當預爲設法收其器械或令入伍或令充當民壯其餘妥爲散遣俾生

計有資各安本分方爲盡善其如何籌畫之處各
抒所見一併具奏

臣等謹案內地用兵所以異於外域者蓋郡
縣皆吾黎庶鋒鏑所至不免流離勞來安集
之策卽寓於詰戎戡亂之時稍或濡遲易滋
它患此兼籌並舉之難也剿辦教匪以來蒙

皇上憫念痍瘼凡撫綏安插各事宜

綸音疊降措置多方茲因捷報頻馳大功將蒞
厯念饑民及投出難民等或致失業流亡

諭令妥謀生計贍及身家其鄉勇一項習於鬪爭更
慮其無所執業流而爲匪並

飭大吏善籌散遣之方俾資衣食仰見

聖謨炳遠

仁聞滂敷是以氛祲一銷而閭閻卽安堵如故也

欽定剿平三省邪匪方略正編卷二十四十一

辛酉年

三月初二日

戊寅

書麟長齡明亮奏言查徐張二

逆合夥白藍二號人數較多蓄意分股東竄刻

下荆襄一帶東作方輿所關非細

臣

等當令大

隊由穀城進發過住東路連日派侍衛雙福守

備陳明千總巴圖魯馬濟盛等分帶馬步官兵

數百名於沿途山溝內埋伏行抵廟灘該匪探

知大隊已過突有馬步賊三百餘人從山溝衝
出適遇雙福等伏兵擊斃一百七十八人生擒
胡魁等二十八名餘逆翻山逃遁訊據獲賊供
稱賊衆老營分爲兩路一由山內要往南漳一
由郭家河要奔襄陽或搶船渡過河南當將該
犯等正法臣等復飛飭沿江各州縣將南岸船
隻盡行撤去並察看江北河南巡防兵勇聲威

竊絡布置極爲嚴密行抵濫泥溝適河南臬司
完顏岱過江來見亦稱江北盤獲奸細供詞與
胡魁等大畧相同途次又據報稱賊探已至柑
子口係襄陽大路臣等當卽由隆逢集趕至南
漳迎面攔截又據南漳楊柳寨首領差人持稟
來報有千餘馬步賊匪攻撲該寨勢甚危急臣
等思此股賊匪人數不多若統領大隊進剿恐

賊匪乘隙東竄轉爲非計當派侍衛雙福花尙
保副叅領富永委叅領阿木昌阿卓爾歡保護
軍校巴桑帶領馬隊又派副將王懋賞叅將德
興都司姜元祥王占鰲千總楊永順等帶領步
隊趕赴楊柳寨進剿臣等紮營南漳扼住東面
並爲後路聲援我兵趕近該寨見賊衆四面攻
撲勢甚兇悍寨內居民見有官兵到來抵禦益

力賊卽退佔山梁侍衛雙福等奮勇搶上賊猶
下壓正在相持攬殺之際適臣等督兵趕到鎗

斃執旗賊目一名賊衆拖屍而去餘匪旋即敗

逃我兵冒雨追過六道山梁截殺賊匪二百餘
名擒獲活賊李貴等二十一名搶獲騾馬二十

餘頭匹大旗一桿訊據供稱徐添德因連日被
官兵逼在山內不得到宜城荆門大村莊地方

搶掠昨日由五盤山分路走報信坡蕭家堰要
往遠安當陽元帥張允壽帶人往東面破開寨
子想搶糧食衣履不料官兵趕到將掌大旗頭
日彭順兒打死他們搶屍逃去是實當將該犯
等交與隨營同知阿霖分別辦理連日陰雨連
綿該匪等奔竄無定臣長齡明亮等惟有扼住
東路緊往西逼以期與書麟孫清元等兵兩路

合擊迅速掃除

臣

書麟前在青峰督率孫清元

吉林泰等將戴家營分股賊匪痛加殲洗該匪

狂竄南山隨向斗口馬蘭一帶跟蹤追擊接據

長齡明亮來信知兵力稍單賊勢甚衆恐難得

手當令孫清元吉林泰帶領馬步兵勇折回保

康探迎夾擊

臣

書麟飛調駐守黃龍灘之總兵

德昌帶領西粵官兵八百餘名並於就近邊卡

抽撥河南湖南官兵數百名併將房縣竹山之

練勇一千五百名飛調趕赴房縣

臣

書麟卽於

十八日統領總兵德昌侍衛呢瑪善副將朱士

奉叅將曹星等將現有兵勇仍向南山隨探隨

剿日有搜獲百餘名或數十人不等訊據供稱

知苟文明李彬因官兵緊追未敢東趨已向歸

州巴東一帶狂奔要想逃回四川並據勒保知

會訊據獲賊供稱樊辛等股因被官兵屢次截
剿不能向川北一路逃竄現在繞至川東思竄
楚北等語核之現竄方向正與所供相同川省

兵數無多斷難遏其竄楚之路囑令

臣

書麟撥

兵於川楚交界嚴密堵截

臣

書麟現在就近分

投偵探如遇竄匪卽當迎頭痛剿不使餘匪再
行闌入俾得併力剿辦徐逆大股較易蒞事叅

贊德楞泰追剿龍逆一股於十九日馳抵平利屬之關垭先派慶溥喜明馬玉魁等統領兵勇六千由楚省之竹谿境內抄赴東面堵截德楞泰卽由曾家壩八卦廟一帶迎擊探聞龍逆尙在陝省之甘坪並未竄入楚境再查楚北邊陲與川陝犬牙相錯延袤二千七百餘里賊匪竄擾五載處處皆其熟徑斷難處處設防

臣等通

籌全局于竹山竹谿房縣鄖縣巴東要害處所
因地設兵以剿爲堵何路緊要卽向何路截剿
以期迅速蕨事計共六處需兵一萬二千餘名
現在長齡明亮孫清元所帶征兵合共五千餘
名再於邊卡抽撥二千名統計七千餘名以之
派堵六處要口尙少五千餘名固不敢於各省
再行征調致滋糜費亦須於就近省分咨補足

額方敷調撥

臣

接辦軍務迄今兩月悉心察看

楚北練勇招募已歷五年其中激於義憤踴躍
應募者原不乏人而游手之徒藉膂力以資口
食者亦復不少必得勤加訓練作其勇敢之氣
化其桀驁之性方能得力查鄖屬跬步皆山戶
口本少此時勸令築堡自衛健壯各顧身家又
未便強令從征現在招募多名已屬費力若從

下游各屬招募更屬無濟於事且口糧厚於官
兵究未能如官兵之有紀律此爲已練之勇而
言若新募之勇技藝未能純熟而桀驁未經教
化者以之禦賊則不足以之擾民則有餘指顧
成功此項鄉勇飭歸農而無田可種飭歸伍而
無缺可補目前未能得力將來愈難安頓亦不
得不預爲計慮

臣前奏蒙

恩准更調廣西鎮安隆林二協官兵六百名又應補
缺額兵六百餘名業經撫臣謝啟昆咨明起程
在途又江西爲腹地省分自一年至今並未續
調征兵前護撫臣萬寧奏明備戰兵三千勤加
操演迄今四載諒更精練撫臣張誠基接到

臣

咨卽按照原派營分挑備齊全亦經起程在途
以上兩省均係一水可通而江西毗連相距更

近指日可到刻下粵兵尙稱奮往而前次江西官兵在楚剿辦僉稱得力合無仰懇

聖恩俯准留楚調撥如有不敷仍將練勇補數其餘河南現有防堵事宜山東雲貴等省離楚較遠均須陸路行走未免滋費謹遵

聖訓卽時飛咨各督撫臣停止調撥

同日勒保奏言臣前自川北轉回川東因雲開

境內賊勢較衆恐其東竄楚疆一面飛催七十
五速由開縣進兵一面飭令薛大烈就近相機
夾擊臣亦卽馳往督辦嗣據探報劉湯等逆仍

在大寧邊界圍城老林潛匿此次攻破紀家寨
之賊係藍白兩號共有四五百人該匪在寨屯
踞三日聞七十五帶兵將到卽連夜棄寨東奔
七十五因祇有一路官兵恐隨後窮追勢必驅

之人楚適薛大烈追賊東來卽與商酌以現追
之樊冉等逆已零星不成股數或百餘人或數
十人竄逃太平老林業已知會託雲泰帶兵搜
捕刻下衆賊東竄自應先其所急當卽商定薛
大烈帶領原兵由水路直趨夔巫遏其竄楚之
路七十五卽由寶塔一路兜剿不令竄入老林
臣聞信卽由開縣取道雲陽防其折竄茲薛大

烈於十二日趕至巫山大昌地方探知賊匪尙未竄出卽由上水田一帶迎頭進發十四日午刻至陽橋壩地方遇有賊匪四五百人順溝竄來薛大烈卽帶馬步兵勇直前迎擊該匪等一見官兵卽亡命奔回我兵乘勢追殺斃賊一百四五十名生擒蕭廷榜等七十三名訊知陳朝觀等逆自紀家寨聞有官兵到來連夜商量欲

由奉節大寧至大昌界嶺竄往湖北先派五百
戰手到大昌紮住要路大隊卽陸續前來不想
到此卽遇官兵截殺聽見元帥等說若此路有
兵卽向竹園坪老林一路竄走等語薛大烈卽
帶兵向青莊坪一帶抄截前進至七十五一路
官兵原與薛大烈約定緩程進發計算薛大烈
兵至大昌之後前途得有攔截再行追剿十五

日師次寶塔探知賊匪已從陽橋壩折回現屯
竹園坪卽於是夜三更發兵十六日黎明行抵
該處匪衆尙未起營經前隊都司羅思舉蒲佑
盛閻俊烈等帶領兵勇出其不意直搗中堅立
斃賊匪二百餘名餘衆千餘盡棄騾馬輜重奔
上土地壩大山梁我兵乘勢追殺忽有兩股賊
匪約三千餘人從左右山溝同時奔上大梁訖

係該匪等先于五更分出兩股戰手攻撲九龍
三台兩寨欲圖掠食一聞官兵衝破賊營均各
撤回抵敵七十五卽督同侍衛武隆阿副將張
良槐叅將馮元遊擊李光晟郭本仁蕭太和都
司羅思舉等分爲三路奮勇進攻賊匪悉力抵
禦相持兩時之久武隆阿羅思舉帶兵首先衝
入賊隊斃賊數十名將左手一股賊匪先行衝

潰三路兵勇乘勢急攻右手之賊亦卽敗走隨盡力追壓直至長嶺崗匪衆四散我兵分投追殺於千子墳蘇金坡青林溪等處共計殺賊六百餘名跌斃逃散者亦多紮營後據各營呈交拏獲活賊及難民李大孝等男婦一千一百四十二名口耳記四百七十三副賊旗四十五桿刀矛鳥鎗一千七百餘件獲有牛馬騾三百餘

頭匹於賊屍內認出已斃偽總兵陳天奇係陳朝觀之姪並總探馬頭徐中第楊元白玉先等四名於活賊內認出探馬頭魏鍾連趙朝科旗首楊國泰陳應賢陳宗五等五名當與從賊日久之陳正品等四百八十三名一併分別凌遲正法餘俱被脅未久及新擄難民均交奉節縣訊明省釋並據署奉節縣徐大椿稟報此股賊

其三十...

匪自長嶺崗敗竄經該令親督寨首劉淞等截

剿斃賊一百餘名生擒二十一各獲騾馬十三

頭匹賊旗鎗矛九十餘件維時臣探知賊匪不

能東竄已折回雲陽卽帶兵由蘆花嶺一路迎

截十九日申刻正在紮營忽有賊探十餘騎奔

來見兵卽竄經我兵追獲胡添書等六名訊知

大衆賊匪正在路陽二壩屯紮欲由萬縣至梁

墊一帶竄逸時已昏黑未便進剿緣距賊較近料其必來偷營當派守備薛陞帶領兵勇五百名至山洞埋伏是夜三更果有賊匪三四百人潛來撲營薛陞讓令過去一聞營盤鎗響卽帶兵出敵賊知中計紛紛潰逃復經總兵永寧帶兵出卡率同薛陞趁勢掩殺斃賊一百餘名生擒旗首白如林戰手李朝容等六十七名獲旗

三桿馬騾二十三匹賊衆連夜向白橋大梁一帶遁去訊據白如林等供稱此股係藍號陳朝觀自從竄入太平在八台山地方與白號宋永富魏棒棒並辛聰股內餘匪合夥共有四千餘人近日攻破兩處寨砦又新擄幾百人宋永富們要往湖北陳朝觀要到川西壩正在紀家寨商量忽聞官兵到來卽連夜東竄不料到陽橋

壩被官兵截回又在竹園坪被官兵剿殺並逃
散者共有三千餘人今日到此又見紮有官兵
營盤實在情急就商量派人撲營衝過卡子要
到萬縣梁山一帶擄掠陳元帥還想要從定遠
一路過嘉陵江不想又被截住不能竄過萬縣
今不知向何處逃走至李炳顏勝可兩股在西
鄉地方分營並未回來樊人傑亦未前來合夥

等語查各犯俱係戰手當卽逐一正法又據託
雲泰報稱該鎮帶兵截剿焚冉等股內打散餘
匪至雄板欖地方遇賊百餘人立時追殺斃賊
十餘名生擒劉萬全等二十七名訊係藍號冉
添泗股賊又於彭家山河邊遇賊二百餘人殺
斃三十餘名生擒張名遠等二十三名訊係黃
號王國賢股賊是黃藍等號賊匪經薛大烈在

苑家山等處打散之後均已零星四竄現聞太平大寧老林內三五成羣或冒充官兵或假扮難民其勢已渙其伎已窮業經嚴飭託雲泰認真搜捕以期悉數殲除

臣

現因陳魏兩股賊匪

尙有二千餘人向東太境內奔竄亟須分投追截頃又據北路稟報高三馬五等逆已由寧羌竄至廣元邊界並接楊遇春來信卽時追剿入

川查廣蒼一帶兵力較單且逼近嘉陵江岸

臣

現與七十五薛大烈等會商以陳朝觀等現竄

方向係東太地方卽令七十五由太平一路追

剿

臣

與薛大烈由東達一路迎截以期兩面夾

攻如果此路緊急

臣

卽就近馳往截擊兼顧江

防庶不致顧此失彼均奏入

上命軍機大臣傳諭書麟長齡明亮日楚省徐張二

逆人數較衆分爲兩路欲往南漳襄陽經書麟等
分派官兵相機兜剿先後殲斃二百餘名將賊匪
逼在山內不令向宜城荊門等處地方搶掠所辦
尙好但楚省兵力較單看來必需德楞泰兵力前
來會剿方可迅速集事前已有旨令德楞泰將龍
逆一股辦竣卽赴楚協剿徐張大股現又催令德
楞泰帶兵迅速赴楚此時書麟等惟當就現有兵

力分撥堵剿務將此大股匪衆逼向西南山內逼
其東趨之路目下二麥將屆收成切不可令賊匪
竄至東路掠食又致蔓延滋擾也至苟李二逆在
歸巴等處奔竄書麟等並未能痛加剿殺現在該
匪仍欲奔回四川已諭令勒保上緊截剿現在川
東陳魏等股賊匪業經勒保剿殺得有勝仗該匪
等不能竄至楚境若苟李等逆竄入川東勒保正

可迎頭截擊無難殲除淨盡又前因楚省剿賊兵力不敷令在本省酌添練勇今書麟稱新募之勇技藝生疎不能得力且口糧厚於官兵以之禦賊則不足以之擾民則有餘並籌將來剿辦事竣後募勇歸農無田可種歸伍無缺可補難于安置所見俱是與近日所降諭旨適相符合此項新募鄉勇既不得力自應仍酌留官兵俾資剿捕書麟前

此奏更調廣西補額之兵原未降旨停止並據吉慶謝啟昆等奏報業已起程至江西兵力素非趨健其備戰兵三千名恐不可靠書麟當俟江西兵丁到彼酌量分派防堵替出健勇兵力以資剿捕自可得力

上又命軍機大臣傳諭德楞泰曰此時湖北賊匪爲數較多而徐逆一犯又係積年狡猾著名賊首尙

未就擒且該處兵力亦稍形單弱以目前楚省情形而論較之川陝爲重前會屢降諭旨令德楞泰前赴湖北幫同剿捕現在德楞泰剿辦龍紹周一股賊匪諒已完竣卽應乘勝迅赴湖北會同書麟等上緊剿辦徐張大股以靖楚疆且經畧額勒登保亦已帶兵過漢江南岸如德楞泰尙有未經辦竣餘匪卽可就近交額勒登保接辦德楞泰務卽

帶兵趕赴楚境以期迅速集事毋稍遲延

上又命軍機大臣傳諭勒保曰此次勒保督飭薛大烈七十五兩路官兵分投截剿劉湯陳魏等逆共計殺賊一千餘人逃出難民一千一百餘名殲斃偽總兵旗首賊目多名不令賊匪陳朝觀魏棒棒等竄近湖北所辦俱好侍衛武隆阿都司羅思舉帶兵首先衝入賊隊斃賊數十名賊卽敗走隨盡

力逼壓多有斬獲甚爲出力可嘉武隆阿羅思舉
著以應陞之缺陞用川東陳魏等股賊匪本有四
千餘人今經官兵截殺所剩不過二千餘人勢已
窮感七十五由太平一路追剿勒保與薛大烈由
東達一路迎剿兩路夾擊官兵聲勢俱壯勒保務
須將此二股賊匪悉數辦竣肅清川東不可因高
三馬五竄至廣元邊界又復馳回川北况高三馬

五餘匪本屬無多現據額勒登保奏王廷詔已經
生擒該犯係起事首逆本在高二馬五股內今失
所依恃自必聞風膽落且楊遇春業已帶兵緊躡
入川無須勒保分心兼顧所有川東陳魏等股賊
匪責成勒保一手辦竣愈速愈妙勉力辦理至樊
冉等逆雖已零星不成股數但不速行剿滅任其
東奔西竄擄掠日久勢必復成大股數以來軍

營皆坐此弊勒保務當飭催託雲泰等上緊搜捕
淨盡勿留餘孽再所訊獲賊供詞內稱陳朝觀有
從寧遠一路要過嘉陵江之語賊匪總因川西繁
庶刻思竄往尤應飭令許文謨張志林等加意嚴
防毋得稍有疎懈本日又據書麟奏苟李二逆在
歸巴等處奔竄欲逃回四川等語楚省賊衆兵單
恐書麟等未能攔截湖北歸巴與川省巫山大寧

接壤勒保現在州東當隨時偵探倘一經竄近務須奮力逼剿此時川東陳魏賊股勒保旣截其東竄楚境之路楚省竄川之賊亦當一律剿除不可少存此疆彼界之見茲又將廣東解京銀三十萬兩福建解京銀十五萬兩諭令吉慶瑚圖禮汪志伊等飛飭解員迅速解赴川省該處軍營又增此四十五萬兩極爲充裕足敷數月之用豈此數月

內勒保尙不能將此等殘敗賊匪悉數殄平耶該督務當嚴飭局員撙節支用不可因帑項較多致滋糜費也

上又命軍機大臣傳諭吉慶瑚圖禮汪志伊日前會降旨令吉慶等將庫存銀三十萬兩解往陝省將二十萬兩解往楚北尙餘銀十八萬兩嗣據吉慶等奏糧道庫內及捐監耗羨等項尙可湊撥銀十

二萬兩同前項十八萬兩一併解京又福建省捐
監銀十五萬兩業據汪志伊奏報解京近日川省
屢奏捷音尙須續撥餉項所有廣東省解京銀三
十萬兩福建省解京銀十五萬兩著吉慶瑚圖禮
汪志伊等派員押解毋論行至何處接奉此旨卽
取道前往川省軍營交割保存貯備用

初三日

已

長麟奏言

臣

前在寧羌境內追剿高

馬後股賊匪逼過川境臣卽由沔縣趕抵褒城

途次接據臬司王文湧稟報賊匪一股約千餘

人從南山磨房溝竄入寶雞滴水崖該司帶領

壯勇五百名從山門口進剿十五日探聞該匪

在鳳縣屬之白雲地方屯聚卽於是夜二鼓帶

領鄉勇直撲賊營乘其不備立斃賊一百餘人

生擒二十八名奪獲大旗刀矛騾馬逃出破裏

難民二百餘人餘賊四散逃匿鄉勇正在搜殺
天已黎明賊匪窺見鄉勇無多復哨聚結隊前
來抵敵經鄉勇等鎗礮並施擊斃數賊軍功毛
得元箭斃執旗賊目一名餘匪折向東奔未致
竄入棧道訊據獲賊供稱此股賊匪係黃號餘
賊又與白號青號合夥內有僞元帥冉姓韓姓
馬姓白姓都不知名字中箭死者卽是韓元帥

想此股卽係冉學勝夥匪等語臣聞信後當卽

兼程行走二十一日趕抵留壩接據探報賊匪

已於十九日夜由鳳縣三岔河草灘溝越過棧

道竄往寬灘溝桃花坪一帶奔逸已抵甘境查

賊匪於十九日越棧入甘臣於十九日甫抵沔

縣自沔縣趕赴寬灘溝桃花坪一帶遠至七百

餘里若由後路跟追縱使倍道疾馳亦斷不能

趕上賊蹤必須由兩當一帶抄赴西面方可迎

頭截剿隨鼓勵兵勇趕緊趨行由廢邱關一帶

冒雨兼程連夜前進已於二十四日趕至兩當

二十六日趕至太白坵探聞該匪已於二十三

日竄過黨家川查黨家川西北通秦州正西通

西和禮縣南通階州及兩當徽縣一帶臣現在

探蹤截剿諒此殘敗餘匪爲數不過千餘人一

經截擊無難迅期得手俟有接仗情形另行馳
奏至伍懷志一股餘匪現與另股剿散之賊合
駭加以裹脅又有二千餘人額勒登保督率穆
克登布等自東面扼剿於十二日在賽秦嶺地
方與賊接仗殺賊甚多並殲頭目二人餘匪入
老林逃匿其高二餘匪現在盤屋厚畛子一帶
游奕額勒登保已飭調總兵楊奎猷帶兵二千

名由城洋入山進剿又漢江南岸龍紹周等股
賊匪屢思東竄經總兵喜明革職總兵柯藩帶
領兵勇在安康南坪地方截擊斃賊百餘人並
鎗斃偽總兵劉紹顏餘匪竄向南坪峽一帶逃
遁德楞泰已於十二日自安康過江由東北向
西南逼剿日內自可痛加殄戮再總兵德昌出
師多次人甚奮勉所帶兩粵官兵尙稱得力查

刻下匪衆俱在西南西北尙非緊要所有黃龍灘一卡已另派本標遊擊德祿帶領本省官兵在彼防守將德昌調來大營進剿奏入

上命軍機大臣傳諭長麟曰漢江北岸各股賊匪昨據額勒登保奏稱已咨會長麟在棧道攔截而長麟等節次奏稱漢江棧道一帶派撥將領及地方官逐段防堵何以此次竟任冉學勝夥匪由鳳縣

竄往寬灘一帶奔逸入甘該匪從南山竄入寶雞
時祇有王文湧帶領壯勇迎擊其餘防守各員並
未有一人攔截賊匪可見長麟等前次所稱逐段
防堵之語竟屬空言此股竄出賊匪究係何人汛
地著長麟據實查叅長麟係督率堵剿之人任賊
竄至甘境實有應得之咎現在賊匪竄過黨家川
該處與秦州階州徽寧等處相通長麟已抄赴西

面迎頭截擊務將此股竄匪奮力剿淨否則亦當
上緊截回或逼至漢江南岸以便與額勒登保等
兩面夾擊一鼓殲除尙可將功抵過斷不可令其
深入甘境致秦州西和禮縣兩當徽縣一帶被其
蹂躪或由階文竄過龍安又致蔓延尤爲最要再
昨據額勒登保奏十四日穆克登布等行抵蒿溝
遇賊接仗殺賊三百餘人生擒執旗賊目徐陞朱

家盛二名等語今長麟摺內稱十二日額勒登保督率穆克登布等在賽秦嶺地方與賊接仗殺賊甚多並殲賊目二人與額勒登保所奏打仗地名日期不符是否穆克登布等另獲勝仗抑係地方官探報不實並著查明具奏所有箭斃賊目之軍功毛得元著以應陞之缺陞用

上又命軍機大臣傳諭額勒登保曰前據額勒登保

奏將陝省漢江北岸伍冉等股賊匪派穆克登布
楊奎猷等帶兵分投剿捕並咨會長麟在棧道攔
截伊卽由石泉過江赴西鄉督剿龍唐等逆本日
長麟奏接據探報有賊匪千餘人從南山竄入寶
雞由鳳縣越過棧道奔竄甘境自卽係冉學勝一
股等語額勒登保前次發摺時諒尙未得知此股
賊匪竄甘之信是以卽帶兵勇從石泉過江額勒

登保前稱南山地勢險隘賊匪竄入難以施展兵力今此股賊匪由寶雞竄過棧道已屬平原何以又不能痛加殲戮任其奔竄入甘茲據長麟奏已趕赴兩當迎擊現又降旨令長麟上緊督辦務將此股竄匪截回漢江南岸與額勒登保兩面夾擊以期一鼓殲除再前據額勒登保奏稱南山賊匪節經官兵剿殺祇剩二三百人嗣又稱伍逆餘匪

不下三千餘衆忽然增多已不可解今據長麟奏
伍懷志一股已有三千餘人高二一股尙不在內
又有分出竄往甘境之賊一千餘人豈不較前更
多可見額勒登保節次所奏南山賊數均未確實
現在額勒登保會否已過漢江南岸所剿究係何
股賊匪其竄匿南山之伍懷志及高二一餘匪額勒
登保業派令穆克登布等在彼搜捕是否足資剿

辦及現在如何設法布置迅速成事之處額勒登保身爲經畧自應通盤籌畫著卽詳晰奏聞以慰厘注至漢江棧道一帶節據長麟等奏分段派員防堵此次冉學勝股匪由南山磨房溝竄入寶雞滴水崖經王文湧帶領兵勇迎擊賊復由鳳縣三岔河草灘溝越過棧道竄往寬灘溝桃花坪一帶迤入甘境著額勒登保卽查明賊匪竄過洑地係

何員防守據實指名叅奏懲辦

初四日

庚辰

上命軍機大臣傳諭軍營帶兵大臣陝甘四川湖北
各督撫曰邪教滋事起於乾隆六十年冬底嘉慶
元年正月惠齡畢沅等先後奏到張正謨聶傑人
等在襄陽宜城一帶糾衆焚掠自此輾轉蔓延擾
及河南陝省而四川徐添德王三槐等亦相繼而

起五年以來荼毒生靈不知凡幾每一念及朕心
爲之惻然淚落當其起事之初首逆等皆以官逼
民反爲詞互相煽惑在親民之吏平日不能養愛
黎元以查拏邪教爲名株連拖累致匪徒得以藉
口激而生變司牧者固無所逃罪如常丹葵戴如
煌等俱經嚴行懲治但百姓果受有司屈抑何難
向督撫衙門呈訴卽或不爲審理亦可赴京控告

方今綱紀整飭斷不令小民有覆盆之冤乃竟糾
集黨與肆行搶掠逞其兇焰抗拒官兵當此光天
化日之下公然背逆作亂真爲王法所不容起事
首逆如張正謨聶傑人姚之富齊王氏王三槐冷
添祿張漢潮冉添元劉之助高二王廷詔等咸伏
厥辜此外如馬五高三樊八傑冉學勝龍紹周苟
文明徐添德等逆均係緊要之賊諒亦無難尅日

殲除惟念各股內附賊匪徒非盡甘心叛逆皆因
被賊裹脅日久跟隨打仗戕害官兵自知罪大不
敢投首其餘被賊擄掠迫隨行實非得已當賊
匪突入村莊時恣意凌逼其中捐軀盡節不受賊
污者雖亦未嘗無人而畏死貪生勉強聽從者比
比皆是此等愚民原難責以大義及至爲賊裹脅
或截去髮辮或面刺瘡花形狀與良民迥異伊等

既陷身賊黨自揣投出未必得生而賊匪驟令當
先抗拒官兵官兵鼓勇直前豈能於臨陣之際詳
加區別鋒鏑所向玉石俱焚斷無生路實堪憐憫
是以節經降旨凡從賊中投出者悉貸其死如能
縛獻賊渠並賞給官職銀兩何以招撫之旨屢下
而縛賊投首者竟無其人實不可解在伊等之意
或以室廬業經焚燬田產久已拋荒卽投出後仍

不免於凍餒殊不知從賊奔逸凍餒轉甚伊等若能將賊首縛獻不但免其一死並可仰邀厚賞驟至富饒轉禍爲福矣卽未能縛賊而棄械來投者早經降旨令地方官妥爲收卹或給予叛產或准令開荒必使人人衣食有資各安生業若慮爲賊人截去髮辮面刺蓮花恐投出後百姓等卽指爲賊匪不肯收留甚至立遭殺害殊不知此種情形

朕早已深悉賊匪中真正教首如劉之協等方且
隱匿潛藏豈有自作記認之理惟此等被裹難民
賊匪慮其逃逸不從故顯爲區別絕其歸路是以
屢經降旨嚴禁毋許誤殺難民伊等切勿心存顧
慮果有縛賊獻功及悔罪投出者概令地方官妥
爲綏輯若地方官不行收撫准其於督撫大吏及
經畧叅贊各大臣前申訴必令得所此朕仰體

上天好生之德惟思少殺一賊卽多留一民故於無可赦宥之中許以自新之路其未經附賊者尤當各守鄉閭幫同官兵悉力拒賊不可陷身賊黨自蹈危地現據擒獲賊首馬應祥供稱賊營裏脅之人逃走奔回卽開膛破腹用火燒死情形實爲慘毒是良民一經從賊卽致不能脫身受此酷毒試思難民自賊中投出者概不追問其從賊之罪且優

加撫卹口食有資方保護之不暇而賊匪如此慘
酷竟非人理爾等何苦聽其裹脅一朝失足自脫
無由何不早思變計於賊匪經過時齊心堵禦誓
不從賊既可保其室家又不致受賊殘害生死禍
福所關各宜猛省各路領兵大臣及督撫等將此
旨膽黃宣示傳布賊管俾咸知悔悟相率來投更
可迅速蕙功奠安黎庶若再不速回是實冥頑不

靈亦難化誨矣

臣等謹案從逆則凶者物之理而大德日生者天之心自教匪滋事以來

聖心憫念愚頑

諭令剿撫兼施且以良民被賊迫脅滿後無由

特命元戎大吏遇有臨陣投出者量加安撫爲之籌其生計卽實係從賊而悔罪自新者亦得同

邀

賁宥如能縛賊獻功仍當

頒以厚賞

寬大之詔不啻三令五申此而不知感悟實乃自外
生成卽獮薙亦何足惜迺蒙

皇上於霆威颺擊之時

沛春育海涵之德

中明禍福俾令早思變計戒以勿蹈危機伏讀
諭旨云少殺一賊卽多留一民仰見

至誠惻怛之懷溢於渙汗所以迓和甘而格豚魚白
有不疾而速者矣